



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepisc. Lvgdvnen. & Abbati Athanacensi.

urn:nbn:de:hbz:466:1-20006

* id est, Regum
Franciæ & An-
glia.

de Regum * discordia procedentem, & quòd nunc viginti quatuor sint in ea Canonici, cum non nisi sedecim esse consueverint ab antiquo, nec redditus excreverint augmentato numero personarum. Vnde ne ad recipiendum aliquos cogerentur, suppliciter postulabant. Sanè cum à dicto Episcopo Ostiensi hæc & similia essent nobis & nostris fratribus enarrata; nos volentes, quantum cum Deo & honestate possumus, facta prædecessoris nostri obtinere debitam firmitatem, illud etiam attendentes quòd beneficio indulgentiæ in Ecclesiæ favorem concessæ non sit per sequentes literas in gravamen Ecclesiæ derogatum, cum pro stallis chori & loco Capituli nullum præjudicium Ecclesiæ generetur, investituram tibi factam ratam habentes, ita diximus sententialiter statuendum; ut tu sine contradictione vel dilatione qualibet stallum in choro & locum in Capitulo consequaris, post triennium ab indulgentiæ tempore numerandum præbendam integram habiturus. Nulli ergo &c. Datum &c. VII. Kalend. Iunij.

BESVENSIS ABBATI.

Epist. 216.
Quòd ipsi licent aliquos ex aliis cenobiis ad instaurantium suum evocare, & ex suo quodam ad alia emitte.

Cum à nobis petitur &c. usque ad *verbum* assensu, auctoritate tibi præsentium indulgemus ut quia Besuensis Ecclesiæ pro incendio quod sustinuit ad tantam devenit inopiam, ut monachis & confratribus ibi manentibus vitæ saltem necessaria ministrare non potes, liceat tibi aliquos de monachis & confratribus tuis ad Obedientias Cluniacenses pro vitæ sustentatione transmittere, & aliquos de monachis Cluniacensibus, quos ad hoc magis noveris expedire, ad Ecclesiam tuam pro reformatione & conservatione ordinis sublato appellationis obstaculo convocare, donec Ecclesiæ tua dante Domino restauretur. Nulli ergo &c. VII. Kalend. Iunij.

BERGENSI EPISCOPO.

Epist. 217.
Quòd mercatores Ecclesiæ decimas persolvere cogantur.

Cum à nobis petitur &c. usque ad *verbum* effectum. Sanè, sicut ex tua significatione comperimus, mercatores dioecesana tibi lege subjecti, cum eos negociationis causa in Islandiam transfretare contingit, decimas quas Ecclesiæ tua percipere ab antiquis temporibus consuevit, contra salutem suam detinent, eas reddere denegantes. Volentes igitur tibi & Ecclesiæ tuæ paterna

solicitudine providere, fraternitati tuæ auctoritate apostolica indulgemus quatenus mercatores ipsos ad persolvendas consuetas & debitas decimas, si monitione præmissa noluerint, ecclesiastica districtione subl. appellationis obstaculo compellendi liberam habeas facultatem. Nulli ergo &c. Datum ut supra, VII. Kalend. Iunij.

ORCHAD. ET ROSMARCHN. Episcopis.

Dilectus filius nobilis vir H. Catenensis & Orchadiensis Comes nobis significare curavit quòd ipse pro redemptione peccatorum suorum à tempore felicitis memoriæ Alexandri P. P. prædecessoris nostri denarium unum de qualibet domo in Comitatu Catenensi habitata annuatim statuit pro elemosyna colligendum, & ob reverentiam beatorum Apostolorum Petri & Pauli ad sedem apostolicam dirigere consuevit: quam visitationem nomine elemosynæ annuatim ad opus Romanæ Ecclesiæ colligendam tam suo quàm bonæ memoriæ A. olim Catenen. Episcopi & aliorum nobilium illarum partium testimonio confirmavit. Cum autem postea memorato A. Catenen. Episcopo viam universæ carnis ingresso, venerabilis frater noster I. in eadem Ecclesiæ fuisset in Episcopum institutus, prædictam elemosynam irritare præsumens, eam ab his qui sunt in sua dioecesi constituti, auctoritate propria interdixit exsolvi. Quocirca fraternitati vestræ per apostolica scripta mandamus quatenus si vobis constiterit de prædictis, præfatum Catenensem Episcopum, si monitione præmissa hoc facere neglexerit, ad satisfaciendum de elemosynis subtrahitis hucusque, & ne eas reddi de cetero interdicit, sicut justum fuerit, auctoritate nostra, sublato appellationis obstaculo, per censuram ecclesiasticam compellatis. Quòd si ambo, alter vestrum &c. VI. Kalend. Iunij.

Epist. 218.
De annatis & decimis promissisque elemosynis Romanæ Ecclesiæ persolvendis.

ARCHIEPISC. LVGDVNEN. & Abbati Athanacensi.

Dilecti filij Canonici Matisconenses nobis per suas literas intimarunt quòd cum olim Valterus de Berziaco eorum Concanonicus tempore bonæ memoriæ Celestini P. P. prædecessoris nostri ad sedem apostolicam accessisset, licet

Epist. 219.
Vt literæ apostolicæ, quæ surreptitiæ erant, impetratæ, revocentur.

fide interposita firmavisset quòd contra divisionem terrarum vacantium, quam dilectus filius Anninus ejusdem Ecclesie Decanus juxta suæ voluntatis arbitrium ordinaret, deberet nullatenus obviare, & tam pro hac quàm aliis multis causis perjuri reus existens, pro debitis Ecclesie, quæ retinuerat violenter, & fractura claustrum, sententia excommunicationis teneretur astrictus, per suggestionem falsi, nulla facta super præmissis omnibus mentione, ab eodem prædecessore nostro quandam Obedientiam, quæ Præsteria nuncupatur, in salutis suæ perniciem obtinuit sibi dari, tam ab eo quàm à nobis confirmatione super hoc impetrata. Quia igitur id in grave præjudicium Ecclesie noscitur redundare, cum de proventibus illius Præsterie illis qui assidue in Ecclesia serviunt memorata consueverint necessaria ministrari, discretioni vestræ per apostolica scripta mandamus quatenus si prædictas confirmationis literas per suppressionem veri & falsi suggestionem, ut supra dictum est, vobis constiterit impetratas, nullatenus permittatis quòd dictus Galterus ex his fructum aliquem consequatur; quin potius tam Ecclesiam quàm Canonicos antedictos ab impetitione ipsius, quantum ab obtinendum Præsteriam illam, appellatione remota penitus absolvat; cum secundum canonicas sanctiones mendax precatore carere debeat impetratis, in statum debitum revocantes si quid post appellationem ad nos legitime interpositam in eorundem Canonicorum præjudicium temerè noveritis attentatum, & facientes quod exinde duxeritis statuendum per censuram ecclesiasticam inviolabiliter observari. Nullis literis veritati & justitiæ &c. Quòd si ambo &c. tu frater Archiepiscopo &c. Datum &c. III. Kalend. Iunij.

ABBATI DE IVGO DEI
& Priori de Scillin.

Svam nobis dilecti filij parochiani de Villafranca querimoniam destinarunt quòd Dalmasius capellanus eorum pro exequis mortuorum & benedictione nubentium minus licite pecuniam ab eis exigit & extorquet. quòd si fortè cupiditati ejus non fuerit satisfactum, ne possint mortuorum corpora sepeliri vel nubentium benedictio celebrari, fictitia eis impedimenta fraudulenter op-

ponit. Quia igitur exactiones hujusmodi sacrorum canonum obviant institutis; discretioni vestræ per apostolica scripta mandamus quatenus dictum capellanium, ut à tanta præsumptione desistat, & etiam pro excessu satisfaciatur competenter, moneatis attentius, & efficaciter inducatis. Quòd si fortè vestris monitionibus noluerit obedire, ipsi appellatione remota pœnam infligatis. Datum &c. II. Kalend. Iunij.

DECANO VLIXBONENSI,
Prioribus sancti Vincentij & de
Alcobacia.

EXposuit nobis venerabilis frater noster Colimbrien. Episcopus quòd cum causa quæ inter eum & dilectos filios fratres militie Templi super Ecclesiis de Ega & de Rodina & Palumbario vertebatur, à bonæ memoriæ Lucio Papa prædecessore nostro venerabilibus fratribus Bracharen. Archiepiscopo & Episcopo Portugalen. fuisset à sede apostolica delegata, judices ipsi partibus convocatis & in eorum præsentia constitutis, sicut in literis eorum accepimus, dictis fratribus mandaverunt ut de prædictis Ecclesiis vel eidem Episcopo vigesimo die post receptionem literarum ipsorum justitiam exhiberent, vel ei tanquam diocesano suo jura episcopalia in integrum persolvere procurarent; prædictis Ecclesiis interdicto subjectis, & parochianis earum excommunicationis sententia innodatis, nisi dicti fratres mandatis parerent ipsorum, vel iidem parochiani eis non parentibus in prædictis Ecclesiis divinis officiis interessent, aut decimas eis, primitias, sive mortuaria solverent, vel in ipsis corpora mortuorum sepelirent. Verùm prædictis fratribus sententiam eorundem judicum nullatenus observantibus, à felicitis recordationis Urbano Papa prædecessore nostro primò ad Io. quondam Vicedominum Brixien. & magistrum Io. Bergomen. Subdiaconum apostolicæ sedis sub forma prædictis iudicibus delegata, ac deinde ad venerabilem fratrem nostrum Tuden. Episcopum & dilectos filios de Reforio & Alcobatiæ Priores fuerunt literæ impetratæ: quarum auctoritate non fuit usque ad calculum sententiæ diffinitivæ processum, nec interdicti Ecclesiarum aut excommunicationis parochianorum sententia relaxata.

* In Tertia Collett. & ap. Gregorium Silla. Epist. 220. Ne pro mortuorum sepultura & conjugum copulatione pecunia exigatur. Cap. Suam nobis. De simonia.

Epist. 221. Ve causam Episcopi Colimbriensis & Militum Templi audiant.

118. 111. Vincentii Colimbriensis & Militum Templi audiant.

Venerabilis Colimbriensis & Militum Templi audiant.